

جريدة محاكم

— جمعه ایرتسی —

نومرو	ربیع الآخر	سنه	تشرین ثانی	سنه	صفیحه
۵۷۵	۲۳	۱۳۰۸	۲۴	۱۳۰۶	۸۳۱۹

(اشبو غزته بهر هفته جمعه ایرتسی کونلری چیقار . سنه لکی درسعات ایچون محیدیه یکر می غروش)
 (حسابیله التمش غروشدر . طشره لر ایچون اون بش غروش بوسته اجرتی ضم اولنور . بهر)
 (نسخه سی ینه محیدیه یکر می غروش اولق اوزره یوز باره یه هر یرده صاتیلور . درج اولنه جق)
 (اعلاناتک هر برندن بر محیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

بدایت محکمه سی مدعی عمومی معاونی مؤمن
 افندیك جریان ایدن محاکمه سی نتیجه سنده جانب
 محکمه دن برائنه قرار و یرلش اولدیغی ادرنه
 ولایتی مدعی عموم بیلکندن عدلیه نظارت جلیله سنه
 وقوعبولان اشعاردن منقهم اولمشدر .

قلمر سخی

اشقیای مشهوره دن مقتول سالمک قره جه علی
 حبسخانه سندن فراری اسبابینی تسهیل ایتک
 وایکی طلبه بپننده وقوعبولان سرقت فعلیه
 ترزی قاکیونک ضاربی ملازم عمر بک حقلرنده
 تعقیبات قانونیه اجرا ایتمامک ماده لرندن طولایی
 تحت محاکمه یه التمش اولان قره جه علی قضاسی

وقوع بولان اشعار اوزرینه عدلیه نظارت
جليله سنجه ماذونیت ویرلشد.

مدلی قضاسی نائی و بدایت محکمه سی رئیس
محمود افندیك اثنای محاکمه ده محمود شا کر نام
شخص ايله مضارب به ایلدیکی عند التحقیق
اکلا شمسيله افندی مومی الیهک تحت محاکمه به
النمی خصوصه بعداد مدعی عمومیلکنندن
وقوع بولان اشعار اوزرینه عدلیه نظارت
جليله سنجه ماذونیت اعطا قلمشدر.

قوله قضاسی نائی و بدایت محکمه سی رئیس
علی نیازی افندیك بعض اشخاص خلاف قانون
اوله رق حبس ايله برابر حققرنده ترتیب مجازات
ایلمسندن و بولردن استیناف دعوی ایدنلری
حق استینافدن محروم ایتمکله برابر پولیس
مأموری عبدالرحمن افندی بی دخی ضرب ایتمسندن
طولایی ایدین ولایتی مدعی عمومیلکنندن وقوع
بولان اشعار اوزرینه عدلیه نظارت جليله سنجه
تحت محاکمه به النمی ماذونیت ویرلشد.

خمس سنجاغنه تابع ملانه قضاسی نائی
و بدایت محکمه سی رئیس علی رضا افندیك
احراق فعلندن طولایی مظنوناً موقوف بولنان
بر شخصک خلاف قانون اوله رق محاکمه سی
رؤیت ايله برانته قرار اعطا و مرقومک سبیلنی
اخلا ایتمسندن طولایی تحت محاکمه به النمی
خصوصه طرابلس غرب مدعی عمومیلکنندن

(فی ۱۶ ربیع الآخر سنه ۳۰۸ وفی ۱۷)
(تشرین ثانی سنه ۳۰۶ تاریخده بالجله)
(ولایات استیناف مدعی عمومیلرینه و مدعی)
(عمومی بولنمیان محللر مدعی عمومی معاونلرینه)
(یازیلان تحریرات عمومیه صورتیدر)
(معادن نظامنامه سنک یکریمی اوچنجی ماده سنه)
(ذیل اولق اوزره قلمه النسوب مرعیت)
(احکامنه بالاستیناف اراده سنیه جناب)
(پادشاهی شرفعلی بیوریلان فقره نظامیه)
(صورتیدر)

هرقنغی صنفدن اولورایسه اولسون دولت
علیه ودول اجنبیه مأمورلرندن هیچ بری دأره
مأموریتی داخلنده بولنان محللرده معدن امتیازینی
حائز اوله من اشبو ممنوعیت مأموریتده بولمغله
برابر اجرای تجارت و صنعته مآذون اولنله
دخی شاملدر.

فی ۲۵ ربیع الآخر سنه ۳۰۸
وفی ۳۶ تشرین ثانی سنه ۳۰۶

بدایت محاکمی نزدنده بولنان مقاولات
محررلکیرینه مخصوص مهرلک نسخ تطبیقه لرینک
ارسالی دفعات ايله تعمیماً تبلیغ و تأکید اولندیغی
حالده اکثر محللرده ایجابی اجرا اولمقیوب بوايه
اولبابده کی متصدک منع حصولنی موجب اوله رق
داعی مسؤولیت بولمغله دأره مأموریتکوز
داخلنده بولنان مقاولات محررلرینه مخصوص
مهرلک نسخ تطبیقه لرینک سرعت ارسالیله
برابر محررلک تاریخ انتخاب و تصدیق مأمور -
یتلرینک دخی اشعارینه مبادرت اولنمی قطعاً
توصیه و تأکیدیه شقه.

قسم غیر رسمی

- (اوچیز بوش سنده سی شباطنک یکرمنجی)
 (صالی کیجه سی ساعت التي راده لرنده یمنجی)
 (اصنافدن حسین بن ابراهیمی خانه درونده)
 (ضرب و جرح و ایچه سیله ساعتی اخذ)
 (وغصب ایتدکری اداسیله مظنون علیهم)
 (اولان اماصره لی کیسه جی قزی هرمن بنت)
 (عمر و خد متجی علی بن عبده و قدری بن)
 (رمضان و اسماعیل بن عبداللهک اجراقلدان)
 (محاکمه علنیله لی ضبطنامه سی صورتدر)

اوچیز بوش سنده سی شباطنک یکرمنجی
 صالی کیجه سی ساعت التي راده لرنده یمنجی
 اصنافدن حسین بن ابراهیمی خانه درونده ضرب
 و جرح و ایچه سیله ساعتی اخذ و غصب ایتدکری
 اداسیله مظنون علیهم اولان اماصره لی کیسه جی
 قزی هرمن بنت عمر و خد متجی علی بن عبده
 و قدری بن رمضان و اسماعیل بن عبداللهک
 جنایتله اتهاملرینه دائر هیئت اتهامیه دن تنظیم

واعطا قلندان فی ۱۱ ذی القعدة سنه ۳۰۷ تاریخی
 و یوز قرق طقوز نومرولی مضبطه ایله استیناف
 مدعی ۴ و میملکی مأموریت بهیه سنک فی ۲۲
 ذی القعدة سنه ۳۰۷ تاریخی و ایکی بیک درتوز
 قرق اوج نومرولی اتهامنامه سی اوراق منفرعه سیله
 فی ۲۲ ذی الحجه سنه ۳۰۷ تاریخنده محکمه
 جنایتله تودیع اولمغسله بالمطالعہ اصول محاکمات
 جزایه قانونک ایکوز قرق سکرمنجی و ایکوز
 قرق طقوزنچی ماده لرینه توفیقاً شهر مذکورک
 یکرمنجی اوچمنجی کونی مره و مون توقیفخانه دن
 جلب ایله استجواب و مدافع لرنده معاونت ایتک
 اوزره وکیللری اولوب اولدیغی سؤال اولندقدہ
 منتخب وکیللری بولندیغی سوللرله جانب محکمه دن
 دعوی وکیللرندن واسیلایکی افندی مرقومونه
 وکیل تعیین و قانون مزبورک ادعای مفسوخیت
 حقنده اولان ایکوزالی برنجی ماده سی مندرجاتی
 اخطار قلندیغی مبین تنظیم اولندان ضبطنامه
 تحت امضایه الدیرلدی .

ادعای مفسوخیت ایچون معین اولان مدت
 قانونیه قضیه اولمغله مرقومونک اجرای محاکمہ لری
 اوچیز سکرمنجی سنه سی بحرمنک اونجی کونیه
 قرارلشدیرلدی .

ایتدیرلدی .

مذکور مضبطه نک مسألی مزبوره هرمنک
 وقوعبولان دعوی اوزرینه خانه سنه کیتش
 اولان مدعی شخصی حسین مزبوره هرمن علی
 و قدری و اسماعیل ایله متفقاً ضرب و صورت
 جبریه ده اوزرندن ایچه و ساعتی اخذ و غصب
 ایتدکری مضبوط الاسامی کسانک مع القیم
 وقوعبولان اخبارلری و معاینه راپورتی دلالتیه
 ثابت اولمش و حرکت واقعہ لری قانون جزانک
 ایکوز یکرمنجی برنجی ماده سی حکمنی مستلزم افعال
 جنایتیه دن بولنش اولدیغندن اولوجهله جنایتله
 اتهاملرینه قرار ویرلدیکنی و اتهامنامه نک مفادی
 دخی مرقومونک مذکور مضبطه ده مندرج
 اولدیغی وجهله متهم بولندقلربی بیان و ایضاح دن
 عبارت بولنمشدر .

اتهامنامه نک خلاصه سی جانب ریاستدن
 متهمون مرقومونه تفهیم و معاون مومی الیه
 طرفندن دخی اسباب اتهاملری بیان و تفصیل
 اولندقدن صکره مرقومون سولندیرلدکده
 بولردن هرمن و قعه کیجه سی خانه سنده یاتقدہ
 ایکن ساعت التي راده لرنده قپوچالغله اویانوب
 پنجره دن باقدیغنده بر شخصک زیاده سرخوش

یوم مذکورده متهمون مرقومون علی الاصول
 توقیفخانه دن جلب ایله وکیللری واسیلایکی افندی
 معذرتیه مبنی کله مدیکندن و مره و موندن علی
 دائره استنطاقده رفیقہ لری علیهنده افاده ده
 بولندیغی جهتله آروجه بر وکیل تعیین لازم
 کلدیکندن بولردن طلب و موافقہ لری اوزرینه
 هرمن و قدری و اسماعیل محکمه نزدنده بولندان
 دعوی وکیللرندن قصبار و علی به قیایانقو افندی
 وکیل تعیین ایتدیلرک اوراق دعوی بالمطالعہ
 مرقومونک یانلرنده اولدقلری و مدعی شخصی
 حسین ایله مدعی عمومی معاونی عزتلو حتی بک
 دخی حاضر بولندقلری حالده علناً اجرای محاکمه به
 بالابتدار مرقومون استجواب اولندقلرنده بولردن
 هرمن قرق یاشنده اماصره لی اولوب بلاطده
 کسمه قیاده ساکنه اولدیغی و علی قرق بوش
 یاشنده شمیلی و هرمنک یاننده خدمتجی و قدری
 اوتوز یاشنده وارنه لی اولوب اخور قپوده
 کورجی و اسماعیل دخی اون التي یاشنده لوله
 برغوسلی و بر چراغی اولدقلربی سوللرله
 مرقومونه و وکیللری مومی الیه قانن مزبورک
 ایکوز التمش دردنجی و ایکوز التمش بشنجی
 ماده لری مدلولاتی بعد الاخطار اتهام مضبطه سیله
 اتهامنامه ضبط کانی جمال افندی به قرائت

اولدینگی حالده آج دیو قیویه طیاندینگی و کندیو -
 سیده سن کیسک قیوی آچیم دیدیکی صروده
 بکچی کلکله مرقومی تسلیم ایدوب قره غولخا -
 نهیه کوندردیکی و مرقومی ضرب وساعت
 واقچه سنی اخذ ایتدیک کی خانه سینه دخی
 آلدینگی و علی دخی کندوسی هرمزک یاننده
 اوشاقلی ایتدیک جهتهله وقع افشامندن اول
 کوندوز مزوره هرمز کندوسی حسین اوسته یه
 کوندروب کیچه خانه سینه دعوت ایش اولدینندن
 مرقوم حسین اوسته ایله برلکده هرمزک خانه سینه
 کلهرک اوراده بولنان کورجی قدری و اسماعیل
 و اینجو و اسمنی یلمدیک ایکی قزل و هرمز جله
 اوطوروب ساعت بیه قدر یوب ایچیدکارتدن
 صکره هرمز ایله قدری اشاغی ایتدیکری و کندیو -
 سیده دیگرلینه آرتق یاتیکز دیدیکی ائشاده هرمز
 یوقاری چیقوب دهانه اوطوره یورسین دیو حسین
 اوسته نك اوزرینه یورومکله و کندوسیده هرمزی
 طومقله اوصروده قدری کلوب کندوسی ضرب
 ایدرک قیودن طیشارو آتدینندن غلطه جهته
 یکدیکری و هرمز و سائرلر نك حسین اوسته بی ضرب
 واقچه و ساعتی غصب ایتدیکری کورمیدیکری
 و قدری دخی بر شخص طرفندن کندوسی ایاغندن
 جرح ایدلیدیک جهتهله وقع کیچه سی مجروح

اول کوندوز ساعت طقوزده هرمزک اوشاغی
 علی دکانسه کلهرک هرمزک دعوت ایتدیکری
 سویلی اوزرینه کندوسیده موافقله برلکده
 بلاطده بر میخانه کیچدوب عشرت ایتدکن
 صکره راقی وات و املک و سائر الوب کیچه ساعت یارم
 راده لرده مزوره نك خانه سینه کیدرک اوراده
 موجود اولان قدری و اسماعیل و ایکی کچ قزل
 جله اوطوروب اکلندکری و مؤخرأ اشاغیده
 نك یوب قدری و هرمز دن ماعدا خانه ده بوللا
 نر یوقاری چیقهرق کاغد اوینادقزی صروده
 کندوسی خانه سینه کیتک ایتدیکری اول وقت
 هرمز ایله قدری یوقاری چیقوب برشی سویلیکسز
 بن قدری همان اوزرینه بنوب علیدن ماعداسی
 قولارینی طوتهرق و اغزینی طبعیه رقی ضرب
 و جرح ایتدکرتدن و بونلردن هرمز جیبندن پاره
 کیسه سنی و قدری دخی ساعتی ایدقزلندن
 صکره قیودن طیشارو آتدیکری ضرب اولدینگی
 صروده و قوعبولان فریادی اوزرینه کلش اولان
 بکچی کندوسی الهرق مرکز کونوردیکری و حتی
 مرکزده باشنده کی جرحیه دن آقان قانلری بکچی
 سیلوب صار دینگی و عقیب و قعه ده قدری و اسماعیل
 و علی فرار ایتش اولدقزلندن پولیسر خانه ده بوله
 مدقزینی بیان و دائرة امانندن کتوردلش اولان

فقیرن کوسنک پارچه لری مرقومه اراشه اولندقدده
 کندوسنک غصب اولنان کوسنک پارچه لری
 اولرب عقیب و قعه ده پولیسر طرفندن خانه ده
 بولنوب حفظ ایدلش اوله جغنی درمیان ایلدی

مدعی عمومی طرفندن شهود بوصله می ویر -
 لبوب محکمه جانندن کوریلان لزوم اوزرینه
 اقامتگاهلرینه جلبنامه کوندربلانلردن خدمتی
 فاطمه نك طشریه کیتدیکری محله سی امامی طرفندن
 جلبنامه زبرینه شرح ویرلش و خیرکار علی
 و اچ حسن افندی و قوطوجی سید و طاشچی
 نوری و بکچی ابراهیم دعوت واقعه اوزرینه
 ورود ایتش ایتسه لرده استجواب اولنه جقلری
 صروده ساعت اون کیچوب افشام تقرب ایتکلله
 اکیال محاکمه شهر حالک اون اوچنجی پنجشنبه کونه
 قرارلشدیر بلهرق طرفینه تفهیم فلندی

بر موجب قرار یوم مذکورده شاهد خیرکار
 علی و سراج حسن افندی و قوطوجی سید و طاشچی
 نوری و بکچی ابراهیم ایله متهملردن قدری طرفندن
 با استدعا مدافعه شهودی اولاق اوزره جلبلری
 طلب اولنان و دیگر بر خصوصدن طولانی توقیفخا
 نه ده موقوف بولنان قاطنجی علی و کورجی قدم

توقیفخانه دن کتوردلش و تیورچی خلیل و صندا -
الجبی عثمان و قوندره جی اجدو قهوه جی محمد چاوش
و آباق قهوه جیسی ادهم وقوع بولان دعوتیه مبنی
ککش اولمزلله متهمون مرقومون هرمز و علی
و قدری و اسماعیل دخی علی الاصول توقیفخانه دن
جلب اولنه رق و کیلاری قصبار و یاقو افندیلر
یانلرنده اولدقلری و مدعی شخصی حسین و مدعی
اوسته عمومی معاون مصطفی بک حاضر بولندقلری
حالده علناً اکیال محاکمه بالابتدا و قرائت اولنان
ضبط سابق مندرجاتنی طرفین تصدیق ایتدکلرندن
صکره شهود مرقومه اصول محاکات جزائییه
قانونتک اکیبوز التمش سکرنجی ماده سنه توفیقاً
منفرداً و مواجّهة استماع اولندقلرنده بونلر دن
خمیر کار علی بوندن بش یچق ماه مقدم بر بازار
ایرتسی کونی ساعت طقوزده قونشقی اوزره
حسین اوسته نکل دکانه کتدیکنده متهملردن علی
کله رکل حسین اوسته یه سنی بو افشام هرمز خانم
چاغیره بور دیمسینه اوچی برلکده بلاطه کیدوب
بر مبخانه ده عشرت ایتدکلن صکره اذان وقتی
قالقوب حسین اوسته هر مزک خانه سنه و کمدوسیده
خانه سنه کتدکلرینی و بشقه بر شیدن معلوماتی
بولندقلری و سراج حسن افندی دخی کندوسنک
خانه سی هر مزک خانه سنه قارشو اولدیغندن

وقعه کجه سی ساعت التی راده لرنده او بورکن
بر کورلتی اولوب اولاندیغنده هر مزک خانه سی
دروندن بکجی دهرک برارکک سیسی ایله بر بسنک
ضرب ابدلدیکنی ایشتمکله پنجره دن باقدیغنده
هر مزک قیوسی آچیلهرق بر شخصک آنلدیغنی
واو صره ده بکجی کلوب شخص مرقومی قره غو-
لخانه به کتوردلریکن مرقوم بنی بورایه پاره و ساعتی
آلق ایچونمی چاغردیکز دیوسوبلنه رکل کتدکلر -
بنی و بونی متعاقب هر مزک قیوسی تکرار آچیلهرق
بری اوزون و دیگر قیصه بویلی ایکی کشی
چیقوب کتدکلری کی پولیسلرده کلوب هر می
آله رق کتوردکلرینی و کجه اولقی مناسبیه
خانه دن آتیلان و مؤخرأ چیقوب کبدن آدم لکل
کیم اولدقلرینی بیللمامکله برابر درون خانه ده
اولان شمانه نکل دخی ندن عبارت اولدیغنی دخی
کورمدیکنی و قوطوچی سید دخی کندوسنک
خانه سی هر مزک خانه سی کورر و یقیننده اولد -
یغندن وقعه کجه سی ساعت التی راده لرنده بر
کورلتی اولوب اولیقولدن اولاندیغنده هر مزک
قیوسی اوکنده بکجی دیو بر بسنک باغردیغنی
وعقیننده دخی بنی ساعت و پاره می آلق ایچونمی
چاغردیکز دیو سوبلدیکنی ایشتمکله ایسه ده
مرقوم کیم اولدیغنی بیلدیکنی و مؤخرأ بکجی

کلوب مرقومی آله رق کتوردیکنی و طاشجی
نوری دخی خانه سی هر مزک خانه سنه قارشو اولد
یغندن وقعه کجه سی ساعت بش یچق التی
راده لرنده اولیقولدن آر سنده بنی سن چاغردک
شمعی نه ایچون قو غیورسک دهرک برارکک
سیسی ایشتمکله ایسه ده آلدرمیوب بنه او بودقن
بر مدت صکره بکجی دیو هر مزک قیوسی اوکنده
بر بسنک تکرار باغردیغنی ایشتمکله در حال پنجره -
دن باقدیغنده بر شخصک بنی بورایه صویق و کیسه
و ساعتی آلق ایچونمی چاغردیکز دیو سوبلدیکنی
اشاره بکجی کلوب مرقومی کتوردیکنی کوردیکنی
وقفط مرقوم کیم اولدیغنی اکلایه مدیغنی و بکجی
ابراهیم دخی وقعه کجه سی ساعت التی راده لرنده
محلله بی طولاشتمده ایکن بکجی بکجی دیو بر سس
ایشیدوب او طرفه طوغری کتدیکنده سواقک
ایچنده هر مزک قیوسی اوکنده حسین اوسته نکل
چامورلر ایچنده یاندیغنی کورمکله هر مزک قیوسی
چاهرق بو آدم کیدر دیو وقوع بولان سؤالی
اوزرینه ایچرودن بر قادی بن او آدم دن دعوا جیم
قره غو لخانه به کتوردلر دیملکه مرقومی اولوب
مرکز تسلیم ایتدکلن صکره پولیسلر ایله برابر
کلوب هر مزیده آله رق مرکز کتوردکلرینی
ولدی السؤال حسین اوسته نکل نیم ساعت و پاره می

آلدیکز دیو هر مزک قیوسی اوکنده بر کوناسوز بنی
ایشتمکله ایسه ده مرکز کلدکلرنده مرقومک او
یولده ادماده بولندیغنی استماع ایتدیکنی و حتی
مرقومک باشنده اولان قانلری سیلوب یاره سی
کندوسی صاردیغنی مضبوط افاذه لرینه موافق
اولهرق بیان و اخبار ایندیلر مدافعه شاهدلرندن
کورجی خلیل دخی اکنلی قرق یاشنده اولوب
وقعه به مصادف صالی کجه سی فبا صقالده کاش
محمد چاوشک قهوه خانه سنه چیقدیغنده متهم
کورجی قدری بی یاغندن مجروح اولدیغنی حالده
اوراده کوردیکنی و صندالجبی عثمان دخی استانه لی
یکرمی ایکی یاشنده اولوب وقعه افشامی خانه سندن
چیقوب قهوه خانه به کیدر ایکن بولده کورجی قدری به
راست کلوب وقوع بولان سؤالی اوزرینه مرقوم
قوندره اصمارلدیغندن قهوه خانه به کیتکده اولد -
یغنی سوبلدیکنی و قوندره جی اجددخی استانه لی
یکرمی بش یاشنده اولوب بوندن التی ماه اول بر
بازار کونی کورجی قدری نقلبندده کاش دکانه
کله رکل فرداسی بازار ایرتسی کوننه یتشدیرمک
اوزره قوندره اصمارلر یوب کیتش و فرداسی بازار
ایرتسی کونی افشام اوزری ککش ایسه ده
یتشدیره مدیکندن کیدوب صالی کونی کله رکل
قوندره بی الیغنی و قهوه جی محمد چاوش دخی

آستانه‌لی فرق بش یاشنده اولوب بوندن اتی
ماه اول کورجی قدری بی بر شخص یاغندن بچاقله
جرح اتمی سببیه بر ماه قدر قهوه خانه سنده
یاتهرق جراح شا کر افندی طرفندن تداوی
اولدیغنی ووقعه کیمه سی دینلان صالی کیمه سی
مرقوم قهوه خانه سنده بولندیغنی واسکی زغره لی
یکرمی اوج یاشنده وایاق قهوه جیبی ادهم دخی
وقعه کیمه سندن اول بازار ایتسی کونی نقلبنده
کیدر ایکن کورجی قدری بی قوندره جی اجدک
دکانه کوردیکی کبی اقشام اوزری عودتده
دخی نه راست کلوب وقوعبولان سؤالی اوزرینه
مرقوم قدری محمد چاوش قهوه خانه سنده کیمکه
اولدیغنی سو بلبیکنی بیان ووقوفیندن قداغچی
علی وکورجی قدم دخی کذاک تحلیف اولدهرق
سو بلبیکلده بولردن علی قسطه ونیلی اوتوز
یاشنده اولوب متهملدن قدری دیگر قغوشده
علیده کندی قغوشنده موقوف اولدفلردن برکون
قدری قغوشلرینه کله رک علی بی چاغروب نه ایچون
بواشی یاپک و بنی ناره یاقک دیو صورمی
اوزرینه مرقوم علی بن سنی طایم بکا بواشی
حسین اوسته اوکرتدی بدبیکنی وقدم دخی
یکرمی بدی یاشنده بغچوان اولوب بر کون
توقیفخانه ده زردبان یاشنده قدری ایله علی

قونشدقلری ائاده قدری علی به خطاباً بواشی
نه دن بویله یاپک دیسبیه مرقوم علی ده بن سنی
طایم فقط بشقه سنک اوکرتمی اوزرینه یاپدیغنی
سویلدیکنی ایشندکر بنی اتیان ایلدیلر ایشبو
اخبارات وافادته قارشو نه دیه جکری متهمون
مرقوم بوندن سؤال اولدقدده بولردن هرمن
کندوسنه حسین اوسته وعلی وخدمچی فاطمه نک
افترا ایتدکر بنی وچونکه حسین اوسته پاره ایله
کندوسی کبلرینه دایما خانه طومتق وکفیل
اولق کبی ایشلرده بولنوب علییده مرقومک
کفالتله یانه اوشاق المش ایسه ده وقعه دن
بش اون کون مقدم مرقوم یانندن قوغدیغندن
وفاطمه دخی کندوسنک کچ مخومنی اغفال ایدرک
او پوب بناغنه اشارت براقمی جهنله وقعه دن
اول کوندز مز بوره ییده دوکوب خانه دن دفع
ایلدیکندن شوخالده بولرک کندوسنه خصوصتلی
اولغله افاده لرینی قبول ایتیه جکنی وعلیده
توقیفخانه ده اخبار اولدیغنی کبی قدری به برکونه
افاده ده بولندیغنی بیان ایله جله سی انکار
سابقلرنده مصر بولندیروکیل مومی الیه مان قصپار
افندی دخی سؤالی اولدیغندن بختله شاهدلردن
جیرکار علینک محکمه خارجنه چیقارلسنی
افاده ایتدکدن ومرقومه جیقارلد قدنصرکه

مومی ایله بلاطده قنغی میخانه به کیدوب
وقنغی قصابدن ات الدقلرینک مدعی شخصیدن
سؤال ایدلسنی طلب ایلکله لدی السؤال مرقوم
حسین اوسته میخانه جی وقصابک اسمرینی بیلدیکنی
ومیخانه ده اوتورلر ایکن کندوسی یالکزجه
کیدوب قصابدن ات المش ایسه ده اکک وراقی
کبی سار شیلری دخی مرقومان علیلر ایله
برلکده الدقلرینی سویلدی اوزرینه مومی ایله
قصپار افندی دخی جیرکار علی ات وسارنه نک
جمله سنی حسین اوسته ایله برلکده الدقلرینی
سویلدیکندن مرقومک افاده سبیه حسین اوسته نک
افاده سی یکدیگره مباین اولدیغندن شو حالده
اشبو مباينته بوایشک مرتب وافترا اولدیغنی
اکلاشلدیغنی بیان ایتکله ووقته تک اولغله
اکال محاکمه نک وقت آخره تعلیق ایدلیدیکی
جانب ریاستدن طرفینه تفهیم قلندی .

اوچوز سکز سنده سی محرمک یکرمی
طقوزنجی کونی ارتین افندی متهملدن هرمنک
وکیلی قصپار افندی طرفندن مدافعه شاهدی
اولق اوزره بااستدما جلبلری طلب اولنسان
صدیقه وانجو وشکر خاملر ایله خفاف اغوب
وقوعبولان دعوت اوزرینه کلش وخدمیه

خانم دخی بولنه ماش اولملرله متهمون مرقومون
هرمن وعلی وقدری واسماعیل دخی علی الاصول
توقیفخانه دن جلب ایله علینک وکیلی یانقوافندی
بولنه مدیغندن برینه علینک موافقتیه وکیل تعیین
قلنسان قلاچیان کرقر افندی ایله دیکرلرینک
وکیللری قصپار افندی مرقومونک یانلرنده
اولدقلری ومدعی شخصی حسین اوسته ایله
مدعی عمومی معاوئلردن رؤف بک دخی حاضر
بولندقلری حالده علنأحا کیه بالابتدار ضبط سابق
قرائت اولنوب طرفین تصحیح ایتدیره جک برشیلری
اولدیغنی بیان ایلدکندن صکره کلش اولان
شهود اصول محاکمات جزایه قانونک ایکوز
التمش سکرنجی ماده سنده توفیقاً منفرداً ومواجهه
استماع اولندفلرنده بولردن صدیقه خانم وقعه
کیمه سندن اول بازار کونی هرمنک خانه سنده
بولنش ایسه ده یوم مذکورده مز بوره هرمن
خدمتچی فاطمه بی اوغلنه ایشمسندن طولابی
ضرب ایدرک قوغدیغندن کندولریده بزیده
ضرب ایدر دیو قورقوب انجو واسماعیل ایله
برلکده اقشام اونبر راده لرنده مز بوره هرمنک
خانه سندن چقه ورق اراسته به کلدکر بنی وحی
کندولری خانه دن چبقار ایکن خدمتچی فاطمه نک
دخی کیمک اوزره چارشغنی کیمکه ده اولدیغنی

و علی بن دخی هرمزك بر هفته اول خانه سندن
فرغیدنی و کندیوسی حسین اوسته بی طایندی
کبی وقعه افشامی هرمزك خانه سنده بولندیغندن
وقعه دن دخی قطعاً معلوماتی اولدیغنی و انجو خانم
دخی کیفیت صدیقه نك افاده سی مثلاً وقوع
بولدیغنی بیان ابله مضبوط افاده لری تصدیق
و تکرار و شکر خانم دخی استانه لی اوتوز یاشنده
اراسته ده ساکنه اولوب برکون ایشی اولد
یغندن دائرة استنطاقه کیدوب حسین اوسته نك
زوجه سنده تصادف ایدرک یکدیگر نك ایشلری
سؤال ایتدکاری صرده حسین اوسته نك زوجه سی
کندیوسنك ارسته ده ساکنه اولدیغنی اکلامغه
و محمل مذکورده ساکنه بیلدیکی طرنوبلی
فاطمه بی خانه سنده کتورمسی کندیوسنه سولیکله
کندیوسیده موافقت ایدرک و خانه سی اوکرته رك
برکون مزبوره فاطمه بی الوب و حسین اوسته نك
خانه سنده کوتوروب قونشدق لری ائنده مزبوره
فاطمه هرمزك خدمتی علی ابله حسین اوسته بی
برکیجه خانه سنده دعوت ایدرک اکندکارند نصکره
حسین اوسته ساعت بشده خانه سنده کیده جکی
صرده هرمز اوراده بولسان کورجی قدری
و صدیقه و انجو و اسماعیلک بلا سبب حسین
اوسته بی ضرب ایتدکن و بونلردن هرمز و قدری

متمم علی و قدری و اسماعیل دخی انکار و افادات
سابقه لرنده اصرار ایلدیلمر تحقیقاتک بوندن
عبارت ایدوکی جانب ریاستدن بیان اولندقد
معاون مومی الیه متهمون مرقومون هرمز و علی
و قدری و اسماعیلک مدعی شخصی حسین اوسته بی
ضرب و جرح و آنچه و ساعتی اخذ و غصب
ایلدکاری اخبارات و دلائل و امارات و معاینه
راپورتی مندرجاتی ابله ثابت اولدیغندن مجرمیتلرنک
تحت قراره التمسینی و وکیل مومی الیه ماحدن
قصایر افندی دخی موکلی هرمز اقدیمجه دیگر
محلده برخانه استیجار ایتک استدیکی و او شانی
علی دخی حسین اوسته بی کفیل بولهرق درت
مجیدی به بازارلق ایدوب بروجه پشین ابکی مجیدی
و بردکاری صرده محلله امای حسین اوسته نك
کفالتنی قبول ایتامسی اوزر بنه هرمز و یرمش
اولدیغنی ابکی مجیدی بی حسین اوسته دن ایستد
یکنده مرقوم یکرمی بش غروشی اعاده ایدوب
باقیسی بی و یرمدیکندن و علی دخی اوتیه برویه
کیدرک موکلی هرمزك نامه پاره طو پلا یوب
هرمزده بونی طویمسیله مرقومی قوغدیغندن
و خدمتی فاطمه نك سبب خصوصیتی دخی ضبط
سابقده بیان ایلدیکندن شو حالد مرقومون
فاطمه و حسین اوسته و علی مؤخرأً بالاتفاق

مزبوره هر مز علیه اشبهو ادعای ترتیب
و اسناد ایتدکاری بی و چونکه موکلرندن قدرینک
وقعه کیجه سی محلله سنده کی قهوه خانه ده مجروحاً
یاندیغنی ضبط سابقده افاده لری مسطور اولان
شهودک شهاداتی و اسماعیلک دخی اوکیجه هرمزك
خانه سنده بولندیغنی صدیقه و انجو خانمک اخباراتی
ابله مثبت اولمغله برابر مدعی شخصی حسین
اوسته نك کیجه هرمزك قپوسی اوکنده بنم پاره می
و ساعتی الدیکز دیو و قوعبولان افاده سی بکچی
ایشتماش اولدیغندن ولوکه دیگر شاهدلر کی
ایشتماش اولسه دخی بو غصب کیفیتنی شهود
مرقومه رأی العین کورمیوب یالکز مدعی شخصی
حسین اوسته نك قول مجردنده قالدیغندن
و علی الخصوص خدمتی فاطمه ده اشبهو غصب
کیفیتی اخبار ایدمور ایسه ده بونکده موکلی
هرمزه خصوصتی اولدیغنی متین اولوب اخباراتی
قانوناً مقبول اولمغیه جغندن شو احواله نظراً
مدعی شخصی حسین اوسته نك مجروحیتی
سرخوشلقه و بشقه محلله حاصل اولدیغنی
و موکلری طرفندن اصلاً ضرب و آنچه و ساعتی
غصب ایلدیکی اکلا شغلله برائت ذمترینه قرار
و یرلسنی و کرقور افندی دخی موکلی علی هر نقدر
وقعه کیجه سی هرمزك خانه سنده بولنش ایسه ده

ضرب و جرح و غصب کفایتده اشتراکی اولدیغنی مدعی شخصی حسین اوسته ایله خدمتچی فاطمه افاده و اخبار ایندکرندن مرقومک برائت ذمتی لازم کله جکئی درمیان ایتلریله ولدی السؤل طرفینک بشقه دیه جکری اولدیغنی اکلاشلغله محاکمه نک ختام بولدیغنی بیان اولنه رق مذاکره اوطه سنه کلندی .

طرفینک ادعا و مدافعاتک استماعندن و اوراق موجوده نک مطالعه و تدقیقندن صکره ایجاب کیفیت لدی المذاکره متهمون مرقومون هر مز و علی و قدری و اسماعیل هر نه قدر جنایتله اتهام اولمش و مدعی عموئی طرفندن دخی اولوجهله تجر بملری طلب ایدلکده بولمش ایسه ده مدعی شخصی حسین اوسته نک وقعه کیجه سی هر مزک خانه سنده ضرب ایدلهرک قیودن طیشارویه اتلدیغنی متهملردن علی سولیکده اولدیغنی کبی شاهدلردن سراج حسن افندی حضور محکمه ده و بولنه میان خدمتچی فاطمه دخی مستنطق حضورنده مع القسم اخبار ایتلریه و مرقوم حسین اوسته بی وقعه کیجه سی هر مزک قیوسی اوکنده کوردکاربینی قوطوجی سید و طاشچی نوری و چامورلر ایچنده یانیدیغنی حالده الوب

مرکز کونوره رک باشنده کی یاره بی صاردیغنی دخی بکچی ابراهیم کذالک مع القسم خبر ویرملریه و شهود مرقومه دن سراج حسن افندی و سید و نوری حسین اوسته نک قیو اوکنده بنی بورایه یاره و ساعتی المق ایچونمی چاغردیکز دیو واقع اولان فریادیغنی دخی ایشته کربینی سولیلورلر ایسه ده رأی العین کورمدکری کبی خدمتچی فاطمه نک دخی صدیقه و انجو طرفلردن خبر ویریلان خصوصته و مز بوره نک وقعه دن صکره خانه ده بولدم دیو بر ایکی کوسه نک پارچه سی کونوروب مرکز تسلیم ایتسنه نظراً مز بوره نک افاده سیده تأمین وجدانه کافی کوریله مدیکی مثللو

مابعدی وار

اعلان

انسطاسیه قادی نک $\frac{202}{100}$ نومرولی اعلام و جینجه هاجی مهرانه محکوم به دینی اولان معلوم المقدار مبالغتک نسویه سی ضمنده خاصه کویده ترشیچی محله سنده بودور اوغلی زقاغنده متصرفه اولدیغنی طقسان بش نومرولی بر باب خانه عرصه سی بالزایده بیک یوز بتمش غروش بدل ایله طاسبی عهده سنده تقرر ایلدیکندن تاریخ اعلاندن اعتباراً اوتوز بر کون ظرفنده بدل مذکور اوزرینه یوزده بش ضمیله طالب اولنلرک بک اوغلی بدایت محکمه سی اجرا مأموریتنه مراجعت ایتلری اعلان اولنور .

فی ۲۹ کانون اول سنه ۳۰۶

دفترخانه کتبه سنندن محمد علی افندی نک چوبان اجد حقنده اقامه ایلدیکی امنیتی سهوه استعمال دعوا سنندن طولانی عندالحاکه تبیین ایدوب ذمتی اولان قرق سکر لیرانک مع مصارف محاکمه ربی مقداری جزای نقدیه تحصیلی حقنده صادر اولان اعلام اوزرینه محجوز اولوب ید امینده اولان التمش ایکی رأس قیو بر جق و کبه قیون و بش رأس کبه کچی تاریخ اعلاندن اعتباراً اوج کون صکره یعنی کانون ثانینک یدنجی صالی کونی ساعت طقوزه قدر بکقوز میدانده مزایده علمتسی اجرا قلنه جفندن طالب اولنلرک یوم مذکورده حاضر بولملری واندن صکره بیلری قبول اولنه میه جغنی اعلان اولنور .

فی ۲۵ جاذی الاول سنه ۳۰۸

وفی ۲۵ کانون اول سنه ۳۰۶

جنس اشیا

عدد

۱	مستعمل عجم حالیسی
۲	مستعمل کورت حالیسی
۱	کبیر بالدیزلی آینه
۱	نحاس تپسی
۱	نحاس قهوه کوکی
۳۰	جام بوغچه سی طاقم
۵۰	قرمزی فوطه
۱۲	پوسکلی دوشمه
۷۶	یابغی
۱۲	قباپوسکلی چقمه ایکی عددی حریرلی
۸۹	پوسکلی اینجه یوز محرمه سی
۵	ارکان شیلنه سی پامبوق
۱۱	کهنه یوزلی بون مندر
۴	ارت یاصدق
۱	دولابلی مستعمل قونسول
۲۴	قورنه طاسی نحاس
۲	صابون طاسی نحاس
۱	منغال مع کوک و قپاق
۱	قدیغه قولتق
۴	صندالیه

حبیبه صافیہ خانمک درسهادت بدایت
محکمه سی برنجی حقوق دائره سندن بدایه و استیفا
صادر اولان اعلام موجبجه الاجبی بولنسان
مبالغک تأمین استیفا سیچون تحت حجزه الدیره رق
فروختی قرارلشدر یلان یکر می قلم اشیانک اوج
یوز الی سنه سی کانون ثانینک بشنجی جمعده ابرتسی
کونی چارشوی کبرده استانبول افا خاتنده
بالزاید فروخت اولنه جفندن طالب اولانلرک
یوم مذکورده محل مزبوره مراجعت ایتلری
درسهادت اعلامات نظامیه اجرا دائره سندن
اعلان اولتور .

فی ۳۱ کانون اول سنه ۳۰۶